

Ո Ր ՈՇ ՈՒ Մ թիվ-280
Վարչական տույժ նշանակելու մասին

«09» նոյեմբերի 2020թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով ԻԻՀ քաղաքացի Ռահիմ Ալիի Ասադիդուզալի վերաբերյալ նյութերը.

Պ Ա Ր Զ Ե Ց Ի՝

2020 թվականի սեպտեմբերի 08-ին ՀՀ ՊԵԿ Հարավային մաքսատուն-վարչության աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ԻԻՀ քաղաքացի Ռահիմ Ալիի Ասադիդուզալի կողմից շահագործվող «HOWO» մակնիշի, 95B631-10/95B632-10 հաշվառման համարանիշի բեռնատար ավտոմեքենան, ինչի արդյունքում նշված ավտոմեքենայի տարբեր հատվածներից հայտնաբերվել են, մաքսային հսկողությունից թաքցնելով, ՀՀ մաքսային սահմանով տեղափոխված 8 կգ քաշով յուղ, 16 կգ քաշով հագուստ, 2,5 կգ քաշով մեքենայի նստատեղի պատյան, 11 կգ քաշով թավա, 13 կգ քաշով մեքենայի պահեստամասեր, 32,5 կգ քաշով կաթիլային խողովակներ և 29,5 կգ քաշով շոկոլադ:

Փաստի առթիվ Ռահիմ Ասադիդուզալի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ հիշյալ ապրանքները վերցվել և ի պահ է հանձնվել Մեղրիի մաքսային կետ-բաժնում:

Ռահիմ Ասադիդուզալը 18.09.2020թ. ծանուցագրով 2020 թվականի հոկտեմբերի 14-ին հրավիրվել է ՀՀ ՊԵԿ իրավաբանական վարչություն իր նկատմամբ սկսված վարչական գործի վարույթին մասնակցելու համար՝ միաժամանակ նախազգուշացվելով, որ ՀՀ մաքսային օրենսգրքի 219-րդ հոդվածի համաձայն՝ չներկայանալու դեպքում վարչական գործի վարույթը կիրականացվի առանց իր մասնակցության, սակայն վերջինս չի ներկայացել:

Վարչական վարույթի ընթացքում հարցում է կատարվել ՀՀ ՊԵԿ Հարավային մաքսատուն-վարչություն, որտեղից ստացված 23.10.2020թ. գրության համաձայն՝ ԻԻՀ քաղաքացի Ռահիմ Ասադիդուզալի կողմից շահագործվող «HOWO» մակնիշի, 95B631-10/95B632-10 հաշվառման համարանիշի բեռնատար ավտոմեքենայում հայտնաբերված, Մեղրիի մաքսային կետ-բաժնում գտնվող ընդհանուր՝ 8 կգ քաշով յուղը, 16 կգ քաշով հագուստը, 2,5 կգ քաշով մեքենայի նստատեղի պատյանը, 11 կգ քաշով թավան, 13 կգ քաշով մեքենայի պահեստամասերը, 32,5 կգ քաշով կաթիլային խողովակները և 29,5 կգ քաշով շոկոլադը 08.09.2020թ. «բացթողում ներքին սպառման համար» մաքսային ընթացակարգով հայտարարագրելու դեպքում մաքսային արժեքը կկազմեր 465049 ՀՀ դրամ, մաքսային վճարները կկազմեին ընդհանուր 129540 ՀՀ դրամ, որից մաքսատուրք՝ 37365 ՀՀ դրամ, ԱԱՀ՝ 87356 ՀՀ դրամ, ակցեիզային հարկ՝ 4000 ՀՀ դրամ և քնապահպանական վճար՝ 219 ՀՀ դրամ: Արգելքներ, սահմանափակումներ և ոչ սակագնային կարգավորման միջոցներ չեն կիրառվում:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում է համարվում ապրանքների տեղափոխումը Միության մաքսային սահմանով այն վայրերից դուրս,

որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով եւ (կամ) նույնականացման կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ Մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

Ռահիմ Ասադիդուլալը 16.10.2020թ. ծանուցագրով 2020 թվականի նոյեմբերի 09-ին հրավիրվել է ՀՀ ՊԵԿ իրավաբանական վարչություն՝ իր նկատմամբ սկսված վարչական գործի քննությանը մասնակցելու համար, սակայն վերջինս չի ներկայացել: ՀՀ մաքսային օրենսգրքի 219-րդ հոդվածի համաձայն՝ գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Համաձայն ՀՀ ՊԵԿ ներքին անվտանգության վարչությունից ստացված ՍԷԿՏ համակարգում առկա տեղակատվության Ռահիմ Ասադիդուլալը 24.10.2020թ-ից. գտնվել է ՀՀ-ից դուրս:

Այսպիսով, նյութերով պարզվել է, որ 2020 թվականի սեպտեմբերի 08-ին ԻԻՀ քաղաքացի Ռահիմ Ասադիդուլալը, մաքսային հսկողությունից թաքցնելով, ապրանքների հայտնաբերումը դժվարացնող եղանակով, ՀՀ մաքսային սահմանով տեղափոխել է 465049 ՀՀ դրամ մաքսային արժեքով ընդհանուր՝ 8 կգ քաշով յուղ, 16 կգ քաշով հազուստ, 2,5 կգ քաշով մեքենայի նստատեղի պատյան, 11 կգ քաշով թավա, 13 կգ քաշով մեքենայի պահեստամասեր, 32,5 կգ քաշով կաթիլային խողովակներ և 29,5 կգ քաշով շոկոլադ, այսինքն՝ թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, մաքսային գնման (տեսագնման)

08.09.2020թ. ակտով և ՀՀ ՊԵԿ Հարավային մաքսատուն-վարչության 23.10.2020թ. գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ հոդվածով, 206 և 221 հոդվածներով,

Ո Ր Ո Շ Ե Ց Ի՝

1. Ռահիմ Ալիի Ասադիդուլալին (ծնված՝ 21.07.1982թ., ԻԻՀ քաղաքացի, բնակվող՝ ԻԻՀ, Զուլֆայի շրջան, գ. Դուլազ, անձնագրի համարը՝ Z35945704) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված ընդհանուր՝ 8 կգ քաշով յուղի, 16 կգ քաշով հագուստի, 2,5 կգ քաշով մեքենայի նստատեղի պատյանի, 11 կգ քաշով թավայի, 13 կգ քաշով մեքենայի պահեստամասերի, 32,5 կգ քաշով կաթիլային խողովակների և 29,5 կգ քաշով շոկոլադի մաքսային արժեքի չափով՝ 465049 ՀՀ դրամ: /900005024055 (կոդ-19) հաշվեհամարին/

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:

3. ԵԱՏՄ Մաքսային օրենսգրքի 98-րդ հոդվածի 4-րդ մասի համաձայն որոշումն ուժի մեջ մտնելու օրվան հաջորդող օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:

4. Որոշման մասին հայտնել Ռ. Ասադիդուլալին՝ պարզաբանելով, որ ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և «Վարչարարության հիմունքների և վարչական վարույթի մասին» ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ